

SAKSPAPIR

Saksnr	Utval	Type	Dato
021/18	Formannskapet	PS	21.03.2018
	Heradsstyret	PS	

Saksbehandlar	ArkivsakID
Bente Skjerpung	18/393

Kommunalt næringsfond - retningslinjer og finansiering

Vedlegg:

Retningslinjer for næringsfondet - framlegg

H-sak 13/90 Skiping av næringsfond

framtidig organisering av reiselivet i Nordhordland

Ny organisering av reiselivet i Nordhordland.

Rådmannen sitt framlegg til vedtak:

«Kommunen sitt næringsfond vert oppretthalde. Formannskapet vert forvaltar fondet og avgjer søknader om tilskot/lån. Retningslinene for bruk og forvaltning av næringsfondet vert endra i samsvar med dette. Fondet næringsarbeid i Osterfjordregionen vert avslutta og midlane vert overførte til Næringsfondet.»

Formannskapet - 021/18

FS - behandling:

Ordførar gjorde slikt framlegg:

"Rådmannen sitt framlegg vert vedteke med slikt tillegg:

Utkastet til «retningslinene for bruk og forvaltning av Osterøy kommune sitt næringsfond» vert endra slik:

- Punktet om at fondet skal prioritere å skaffe arbeidsplassar til kvinner *jf. § 1*, skal strykast.
- Paragraf 1 må korrigierast og oppdaterast til å gi korrekte opplysningar i ein ny versjon.
- Dokumentet for retningslinene må gjennomgå språkkorrektur."

AVRØYSTING

Alternativ avrøysting

Ordførar sitt framlegg: 9 røyster (1KRF, 2FRP, 2AP, 1MDG, 1H, 1SP, 1V)

Rådmannen sitt framlegg: ingen røyster

FS - vedtak:

Formannskapet si innstilling til heradsstyret:

"Rådmannen sitt framlegg vert vedteke med slikt tillegg:

Utkastet til «retningslinene for bruk og forvaltning av Osterøy kommune sitt næringsfond» vert endra slik:

- Punktet om at fondet skal prioritere å skaffe arbeidsplassar til kvinner *jf. § 1*, skal strykast.
- Paragraf 1 må korrigierast og oppdaterast til å gi korrekte opplysningar i ein ny versjon.
- Dokumentet for retningslinene må gjennomgå språkkorrektur."

Saksopplysningar:**Saksopplysningar:****Bakgrunn**

Heradsstyret vedtok i 1990 å oppretta eit kommunalt næringsfond, jfr. H-sak 13/90.

"Den avsette konsesjonsavgift og inntekter på konsesjonskraft som i alt utgjer kr. 256.766,80 vert nytta til eit næringsfond.

Det vedlagde utkastet til retningsliner for bruk og forvaltning av dette fondet vert vedtekne slik dei ligg føre."

Rådmannen si saksutgreiing og retningsliner for bruk og forvaltning av fondet ligg ved.

I 2005 vart det lagt fram ei ny sak om disponering av konsesjonskraftinntekter og heradsstyret gjorde då følgjande vedtak:

«1. Kommunen sine inntekter frå sal av konsesjonskraft skal inngå som ein del av kommunen sine ordinære inntekter. 2. Retningslinjene for næringsfondet vert justert og tilpassa ovannemnde.»

Utskrift av H-sak 053/05 ligg ved.

Ein har ikkje funne dokumentasjon på at retningslinene er justerte etter heradsstyret sitt vedtak i 2005.

Inntekter frå sal av konsesjonskraft har variert frå ca. kr 40. 000 opp til kr 600.000 pr. år. Oppgjerdet for 2015 vart likevel negativt for kommunen då ein måtte betala ca. kr 90.000 tilbake til BKK.

Inntektene frå konsesjonsavgift utgjer ca. kr 110.000/år.

I år med driftsunderskot kan kommunen ikkje setja av midlar til næringsfond uavhengig kvar ein hentar midlane frå.

Næringsfondet er teke inn i balanserekneskapen og i slutten av 2017 står det kr 828.669,- på fondet.

På eit anna fond, Næringssamarbeid i Osterfjordregionen står det kr 96.714,- . Ingen inn- eller utbetalingar etter 2008.

Heradsstyret handsama i møtet i desember 2016, sak 091/16 om framtidig organisering av reiselivet i Nordhordland. Kostnaden for å delta ville utgjera ca. kr 132.000 i 2017. Heradsstyret gjorde då slikt vedtak: *«Ordføraren får i oppgåve å gå i dialog med reiselivslaget på Osterøy, Industrilaget og eventuelt andre bidragsytarar for å kartlegge kor stort bidrag dei kan yta i arbeidet. Deretter kjem saka attende for ny handsaming.»*

Samarbeidsavtalen skulle gå over tre år i første omgang.

Osterøy Reiselivslag har søkt om støtte til eit utviklingsprosjekt for reiseliv i Osterøy, kr 30.000,-

Bruken på næringsfondet må vere i samsvar med dei internasjonale regelverka Norge har slutta seg

til på statsstøtteområdet. Stønad frå næringsfondet og anna offentleg støtte må, for kvar einskild bedrift, samla ikkje overskrida maksimalgrensa for «bagatellmessig støtte» etter EØS-regelverket (maksimalgrensa vert fastsett av EU-kommisjonen og er på tidspunktet 200.000 Euro over ein periode på 3 år).

Vurdering

Nyetablering av verksemdar/arbeidsplassar eller utvikling av ny verksemd i tilknytning til eksisterande verksemdar er viktig for sysselsetjing og mangfald i arbeidsmarknaden i kommunen.

For mindre verksemdar kan eit tilskot frå næringsfondet medverka til utvikling og etablering av nye arbeidsplassar, og i framlegget til ny samfunnsplan er eitt av satsingsområda næringsutvikling og verdiskaping.

Midlar frå næringsfondet kan og vera aktuelt å nytta som eigendel for å få til utbygging av betre nett (fiber) i heile kommunen til beste for utvikling av bedrifter, offentlege tenester og innbyggjarar. Dette kan gi betre resultat enn å fordela små summar på fleire søkjarar.

Fondet har avgrensa midlar og utan årleg tilførsel av midlar vil dette fort ta slutt.

Dersom ein ynskjer å byggja opp eit næringsfond kan heradsstyret setja av midlar tilsvarende inntektene frå sal av konsesjonskraft og konsesjonsavgifter i samband med handsaminga av årsrekneskapen, dersom driftsresultatet gir rom for dette.

Rådmannen vil tilrå at midlane frå Næringsamarbeid i Osterfjordregionen vert overført til næringsfondet.

Folkehelse – ikkje vurdert

Miljø – ikkje vurdert

Økonomi – midlar er sett av til fondet

Konklusjon

Saka vert lagt fram til handsaming og vedtak. Rådmannen si vurdering er at med avgrensa fondsmidlar må kommunen bruka desse til tilrettelegging av infrastruktur for næringsliv og innbyggjarar. Ofte er det snakk om å ha midlar til eigendel for å få til utbygging. God nett- og telefondekning er grunnleggjande for både næringsliv, offentlege tenester og innbyggjarar.